

KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO

Na osnovu člana 172. Kolektivnog ugovora za djelatnosti predškolskog odgoja i osnovnog /odgoja i obrazovanja ("Službene novine Kantona Sarajevo", broj: 24/22, 40/22, 7/24, 29/24 i 39/24 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 52. sjednici održanoj 20.2.2026. godine, donijela je

Autentično tumačenje člana 76. stav (4), a u vezi sa članom 76. stav (1) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24 i 39/24)

„Član 76.

(1) U slučaju nastanka povrede na radu, teške invalidnosti ili teške bolesti radnika, odnosno teške invalidnosti ili teške bolesti člana njegove uže porodice iz člana 77. ovog Kolektivnog ugovora, isplaćuje se jednokratna novčana pomoć u visini njegove tri plate isplaćene u prethodna tri mjeseca ili tri prosječne mjesečne plate isplaćene u Federaciji Bosne i Hercegovine, ako je to za radnika povoljnije.

(4) Jednokratna novčana pomoć iz stava (1) ovog člana će se isplatiti i radniku, koji je operisan od bolesti koje nisu obuhvaćene odredbom stava (3) ovog člana, ukoliko je takva operacija izvršena iz zdravstvenih razloga.“

Citirane odredbe Kolektivnog ugovora se odnose se na period u tekućoj kalendarskoj godini. Izuzetno, ukoliko su se povreda na radu, teška invalidnost, teška bolest ili operativni zahvat desili u zadnjem kvartalu prethodne kalendarske godine a zahtjev iz opravdanih razloga nije podnesen u toj kalendarskoj godini, isti se može podnijeti najkasnije 12 mjeseci od dana nastanka povrede na radu, teške invalidnosti, teške bolesti ili operativnog zahvata radnika, odnosno teške invalidnosti ili teške bolesti člana njegove uže porodice.

Odluka o autentičnom tumačenju člana 76. stav (4), a u vezi sa članom 76. stav (1) Kolektivnog ugovora je donesena na 52. sjednici Komisije održanoj 20.2.2026. godine jednoglasno konsenzusom.

ČLANOVI KOMISIJE

Abid Fejzić, predstavnik Poslodavca

Saudin Sivro, predstavnik Sindikata

Senad Sladić, predstavnik Poslodavca

Envera Šukman, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

MINISTARSTVO ZA ODGOJ I OBRAZOVANJE KANTONA SARAJEVO
n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBIH -
KANTONALNI ODBOR KANTONA SARAJEVO**
n/r predsjednika

PREDMET: Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24 i 39/24 - u daljem tekstu: Kolektivni ugovor) obratio se Sindikat, kao ugovorna strana Kolektivnog ugovora, a vezano za zahtjev Javne ustanove Osnovna škola „Alija Nametak“ Sarajevo, broj: 04-249/26 od 5.2.2026. godine koji se odnosi na tumačenje člana 76. stav (4), a u vezi sa stavom (1) istog člana Kolektivnog ugovora u dijelu utvrđivanja prava radnice na jednokratnu pomoć zbog operativnog zahvata u cilju sprečavanja nastanka teške bolesti koji je izvršen u oktobru 2024. godine a radnica zahtjev podnijela 28.01.2026. godine.

U vezi s navedenim, obavještavamo Vas da je Komisija na 52. sjednici održanoj 20.2.2026. godine, donijela autentično tumačenje člana 76. stav (4), a u vezi sa stavom (1) istog člana Kolektivnog ugovora, koje Vam dostavljamo u prilogu ovog akta radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za
djelatnosti predškolskog odgoja i osnovnog
odgoja i obrazovanja u Kantonu Sarajevo, s.r.**